

第三十卷

元順

山

聖

通

編  
十卷三

資治通鑑新編續編卷之三十

辛巳至正元年春正月朔改元○馬札

順帝

兒台辭右丞相許之命仍為太師以脫

脫為右丞相錄軍國重事脫脫馬札兒

台之長子也幼岐嶷異常及就學請於

其師吳直方曰使脫脫終日讀書不若

日記嘉言善行服之終身也初憂其伯

脫脫為相革伯類弊政稱賢相

父伯顏之敗而竟黜之。至是悉更伯顏所行。復科舉取士。復行太廟四時祭。雪郊王之冤。召還宣讓威順二王。開馬禁。減鹽額。蠲負逋。開經筵。中外翕然稱賢相。○二月。印造至元鈔本九十九萬錠。中統鈔壹萬錠。○三月。奎章閣學士夔夔侍經筵。勸帝務學。帝欲觀古名畫。夔取郭忠恕比干圖以進。因言紂不聽諫。遂亡其國。帝一日閱宋徽宗畫稱善。

夔夔進  
比干圖  
諫

夔夔進曰。徽宗多能。惟一事不能。帝問何一事。對曰。獨不能為君爾。其身辱國。破。皆由不能為君。能為君。則他非所尚也。○夏。四月。帝如上都。○道州土賊蔣丙等反。破江華縣。詔發兵討之。○戊寅。彰德有赤風自西北起。晝晦如夜。○六月。改舊奎章閣為宣文閣。○秋。八月。帝還大都。○右丞許有壬進講明仁殿。帝悅。賜酒宣文閣中。仍賜貂裘金織紋幣。

○冬十二月。以翰林承旨張起巖知經筵事。

親試進士

**壬午**二年春正月。開京師金口河。深五丈。廣一十五丈。役夫一十萬。○三月戊寅。親試進士七十八人。賜拜住陳祖仁及第。其餘出身有差。○夏四月。冀寧地震。聲鳴如雷。裂地尺餘。民居皆傾。○帝如上都。○秋七月。惠州羅浮山崩。○慶遠路莫八聚衆反。攻陷南丹左右兩江等處。

貢異馬

命脫脫赤顏討平之。○拂郎國貢異馬。長一丈一尺三寸。高六尺四寸。身純黑。後二蹄皆白。○八月朔。日食。○九月。遣湖廣平章鞏卜班領河南江浙湖廣諸軍討道州賊。平之。復平嶧峒堡寨二百餘處。○冬十月朔。日食。

詔作新風憲

**癸未**三年春二月。監察御史成遵言。可用終場下第舉人。充學正山長。從之。○詔作新風憲。在內之官有不法者。監察

修宋遼  
金三史

御史劾之。在外之官有不法者。行臺監  
察御史劾之。歲以八月終出巡。次年四  
月中還司。○詔修宋遼金三史。以右丞  
相脫脫為都總裁官。平章政事鉄木兒  
塔識。中書右丞太平。御史中丞張起巖。  
翰林學士歐陽玄。侍御史呂思誠。翰林  
侍講學士揭傒斯。皆為總裁官。○夏。四  
月朔。日食。○帝如上都。○六月。命經筵  
官月三進講。○秋。七月。修大都城。○河

南自四月至是月。霖雨不止。○八月。帝  
還大都。○九月。湖廣平章鞏卜班擒道  
州賊唐大二。蔣仁五至京。誅之。其黨蔣  
丙自號順天王。攻陷連桂二州。○冬。十  
月。戊戌。帝將祀南郊。告祭太廟。至寧宗  
室。問曰。朕寧宗兄也。當拜否。太常博士  
劉聞對曰。寧宗雖弟。然其為帝時。陛下  
為臣。春秋時魯閔公弟也。僖公兄也。閔  
公先為君。宗廟之祭。未聞僖公不拜。陛

閔先僖  
後證帝  
拜

後斯見  
重文宗

下當拜。帝乃拜。○巳酉。親祀上帝於南郊。以太祖皇帝配。○十一月。翰林侍講學士揭傒斯卒。傒斯字曼碩。豫章豐城人。少貧。讀書刻苦。大德間。客遊湘漢。程鉅夫。盧摯。先後為湖南憲長。咸器重之。延祐初。鉅夫與摯列薦于朝。授翰林編修。文宗時。閣中有咨訪。必稱旨。中書每奏用儒臣。必問曰。其才何如。揭曼碩嘗進太平政要策。以示臺臣。曰。此朕授經

儲材為  
先

郎揭曼碩所進。其見敬禮如此。在帝之初。拜翰林直學士。及開經筵。陞侍講學士。是年春。致仕南還。追至潯南。復留京。撰明宗神御殿碑文。賞賚甚厚。復求去。不許。命脫脫及執政諭留之。傒斯曰。使一得之。獻見用。而天下蒙其利。雖死。此何恨。不然。何益之有。脫脫問政治何先。曰。儲材為先。養之於位。望未隆之時。用之於周密庶務之後。可也。一日議事。請

揭傒斯  
卒

兼行新舊錢。以救鈔法之弊。時不能從。詔修宋遼金三史。留史館朝夕不敢休。因得寒疾卒。賜鈔萬緡。給驛舟護喪歸江南。追封豫章郡公。謚文安。

**梁寅按史臣曰**揭公平生清儉。至老不渝。立朝雖居散地。而急於薦士。聞人之善揚之。聞吏之貪墨病民。深惡之。豐城舊有淘金戶三百。地不產金。而歲課增至四十九兩。民死徙且盡。

里役代償多破產。傒斯為言之朝。蠲其課。鄉民德之。為文章叙事嚴整。語簡而當。詩清婉麗密。善楷書行草。朝廷大典冊。及元勳茂德碑誌。多其所撰。子法亦以文學名云。

徵杜本  
不至

十二月。以別兒怯不花為中書左丞相。○徵遺逸。脫因。伯顏。張瑾。杜本。本辭不至。

**甲申**四年春正月。詔定守令黜陟之法。

脫脫辭  
相位

六事備者陞一等。四事備者減一資。三事備者平遷。六事俱不備者降一等。六事者戶口增。田野闢。詞訟簡。盜賊息。賦後均。及常平得法也。○夏四月。帝如上都。○五月。右丞相脫脫辭職。不許。章十七上。乃許之。以阿魯圖為中書右丞相。○封脫脫為鄭王。賜金印。脫脫辭不受。嘗領宣政院事。諸山主僧請復僧司。且曰。為郡縣所苦。如坐地獄。脫脫曰。若復

不復僧  
司賜金  
不受

僧司。何異地獄中復置地獄邪。不許。○大霖雨。黃河溢。平地水二丈。曹濮濟兗皆被災。○秋七月。温州颶風大作。海水溢。地震。○八月。帝還大都。○賜脫脫金十錠。銀五十錠。鈔萬錠。幣帛二百疋。脫脫辭不受。○九月朔。日食。

普顏不  
花進士  
及第

乙酉五年春三月辛卯。親試進士七十人。賜普顏不花。張士堅進士及第。餘賜出身有差。○以陳思謙參議中書省。



事。先是思謙建言所在盜起。蓋由歲饑民貧。宜發倉廩賑之。以收人心。仍分布重兵鎮撫中夏。不聽。○夏四月。帝如上都。○五月。翰林承旨夔夔反奴刀卒。夔夔字子山。康里氏。幼肄業國學。博通群書。其正心脩身之要。得之許衡。及父兄家傳。長襲宿衛。風神凝遠。制行峻潔。望而知為貴介公子。其遇事英發。掀髯論辯。法家拂士。弗能過之。每遇天變。民災。必

遣使巡撫天下

勸帝側身脩行。庶天意可回。久之。出為江浙行省平章政事。帝欲置之中書。召還。至京。得疾卒。家貧。幾無以為斂。帝聞。賜銀五錠。夔夔善真行草書。片紙之存。人爭寶之。不啻金玉。○秋八月。帝還宮。○九月朔。日食。○冬十月。遣奉使宣撫。巡行天下。詔曰。朕自踐祚以來。至今十有餘年。託身億兆之上。端居九重之中。耳目所及。豈能周知。故雖夙夜憂勤。覲

安黎庶。而和氣未臻。災眚時作。聲教未洽。風俗未淳。吏弊未祛。民瘼滋甚。豈承宣之寄。糾劾之司。奉行有所未至。歟。若稽先朝成憲。遣官分道奉使宣撫。布朕德意。詢民疾苦。踈滌寃滯。蠲除煩苛。體察官員賢否。明加黜陟。有罪者四品以上。停職申請。五品以下。就便處決。民間一切興利除害之事。悉聽舉行。○宋遼金三史成。右丞相阿魯圖進之。帝曰。史

宋遼金  
三史成

頌至正  
條格

既成書。前人善者。朕當取以為法。惡者取以為戒。然豈止激勸為君者。為臣者亦當知之。卿等其體朕心。以前代善惡為勉。○十一月。至正條格成。頒行天下。丙戌。六年。春。二月朔。日食。○山東地震。七日乃止。○三月。盜扼李開務之閘。甲乙反。開河。劫商旅船。兩淮運使宋文瓚言。世祖開會河千有餘里。歲運米至京者五百萬石。今騎賊不過四十餘人。劫船

宋文瓚  
請捕劫  
河賊不  
聽

三百艘。而無能捕之者。恐運道阻塞。乞  
選能臣。率壯勇千騎捕之。不聽。○夏。四  
月。帝如上都。○六月。汀州運城縣民羅  
天麟。陳積萬反。陷長汀縣。○秋。八月。帝  
還大都。命江。浙。江。西。兩省合兵討羅天  
麟。其黨羅德用殺天麟。積萬以降。餘黨  
悉平。○九月。邵武地震。有聲如鼓。至夜  
復鳴。○京畿奉使宣撫前西臺中丞定  
定。奏御史撒八兒等罪。皆杖而黜之。時

諸道奉使。皆與臺憲互相掩蔽。惟定定  
與湖廣道拔實糾舉無避。○冬。十一月。  
靖州賊吳天保陷黔陽。○山東河南盜  
起。遣指揮不兒國等討之。

**丁亥**七年。春正月朔日食。大寒而風。朝  
官仆者數人。○廣西宣慰使章樞。顏討  
徭獠有功。陞湖廣行省左丞。○二月。山  
東地震。壞城郭。棣州有聲如雷。○河南  
山東盜蔓延濟寧。滕。邳。徐州等處。○徭

地震盜  
起

太師罷

徵張樞  
不至

賊吳天保寇沅州。○夏四月。帝如上都。監察御史言通州密迤京城。而盜賊蜂起。宜增兵討之。以杜其源。不聽。○五月。吳天保陷武岡路。遣湖廣右丞沙班統軍討之。○六月。以右丞相別兒怯不花之譖。詔免太師馬札兒台。安置西寧州。其子脫脫請與父偕行。從之。○秋七月。召隱士完者圖執禮哈琅為翰林待制。張樞董立為修撰。李孝光為著作郎。樞

以朱公  
遷為金  
華郡學  
正

不至。中書右丞太平舉之也。孝光温州樂清人。少博學篤志。為文一取法古人。不拘于世尚。措辭必先秦兩漢語。○以朱公遷為金華郡學正。初公遷以遺逸徵至京師。授翰林直學士。每勸帝親賢遠佞。抑豪強。省冗費。脩德卹民。庶天意可回。民志可定。不然。恐國家之憂近在旦夕。帝嘉納之。當國者惡其切直。不能容。公遷亦知世之不可有為。力辭。不許。

勤於著述訓迪不倦

章七上。乃出為金華郡學正。公遷於經傳史子百氏之書。禮樂律曆制度名物之數。無不通貫而悉究之。用力於聖賢之道。以正心誠意為學。真知實踐為功。天性仁孝。勤於著述。剖析經傳。極其精緻。而又善於訓迪。其言溫煦。諄諄不倦。故所至無賢不肖。皆樂從。隨其才質之昏明大小。咸有所得。從者常數百人。翰林侍講學士黃潛最少許可。一見公遷。

特加敬愛焉。公遷字克升。鄱陽人。其父

梧岡翁。聞同郡準軒吳中行字直卿。樂平人。得

聞朱子門人黃榦之學於廣信饒魯字仲

元。號雙峯先生。往準軒學焉。於是大肆力於學。

道德文章卓然名世。公遷之學得之家

庭。所著有朱子詩傳疏義二十卷。四書

約說四篇。四書通旨六卷。行于世。

**松塢王氏逢曰**按先生所序詩傳疏

義云。說詩之難久矣。自孔子說烝民

孔孟說詩之法

程子說  
詩之法

懿德之旨。孟子說北山賢勞之意。而後世難其人。漢儒章句訓詁詳於詩。則病甚。繼之者說愈煩而意愈窒。遼遼乎千四百年。至明道先生說雉雉兩章。得孔子孟說詩之法。又數十年得朱子而備焉。蓋詩主詠歌與文體不同。辭若重復而意實相承也。意則委婉而辭若甚倨也。是則說詩者之難也。朱子取法孔子。又取法於孟子。又

朱子說  
詩之法

取法於程子。少以虛辭助字發之。而其脈絡較然自明。三百篇可以讀矣。然虛辭助字之間。似輕而重。似汎而切。苟有鹵莽滅裂之心焉。未必不以易而視之也。是則讀傳者。又當知其難也。諸家自立異者。不論惟輔氏羽翼傳說。條理通暢。甚有賴焉。而多冗長不脩。亦時時有相矛盾者。且或傳之約者與之俱約。微者與之俱微。猶若

公遷剖  
析傳文  
之義

未能盡也。小子魯鈍膚末，何足與言。間因輔氏說而擴充之，剖析傳文以達經旨。而於未發者必究其蘊，已發者不羨其辭，庶幾乎微顯闡幽之意。而因傳求經不難也。抑嘗從事於斯矣，持其無敢慢之心，堅其欲自得之志，語助之聲隨而為之上下也。立言之趣從而與之周旋也。優柔饜飶，積日累月，乃若有默契焉。此不敏之資。

序四書  
約說

困學之方，未敢以為是也。夫惟以意逆志者，必有大過於斯。其序四書約說云：博學而詳說之，將以反說約也。詳說之餘，能反說約，則舉其槩而無不盡矣。子朱子序大學則曰：古之大學所以教人之法也。序中庸則曰：子思子憂道學之失其傳而作也。二書之約如此。而論語孟子則又不然。記錄之辭，章各有旨，不能說約。雖詳何益。

哉。故必一一要其歸趣而言之也。雖然。詳說有毫釐之差。則約說有千里之謬。詳說云乎哉。可不悉致其精乎。詳而必精。精而後約。則脉絡合於統體。其於講求也幾矣。今觀先生詩疏。義使經傳之旨。若掃雲霾而仰青天。闢蕪蕪而由大路。學者何其幸哉。

九月。帝還大都。○吳天保復陷武岡。殺右丞沙班。復寇沅州。州兵擊破之。○冬。

宋文瓚  
請選將  
在兵柄  
不報

十一月。沿江盜起。剽掠無忌。有司莫能禁。宋文瓚上言。江陰通泰。江海之門戶。而鎮江真州次之。國初設萬戶府以鎮其地。今戍將非人。致使盜艦往來無常。集慶花山劫賊才三十六人。官軍萬數不能進討。反為所敗。後竟假手鹽徒。雖能成功。豈不貽笑。宜亟選智勇以任兵柄。以圖後功。不然。東南五省租賦之地。恐非國家之有。不報。○吳天保陷靖州。



出亦憐  
真班於  
江浙

命湖廣江西二省合兵以討之○以亦  
憐真班為江浙平章初伯顏擅權嫉其  
論事不阿出為南臺御史既而殺其子  
荅里麻而謫之於海南伯顏死乃召還  
拜御史大夫盡選中外廉能官置諸風  
憲一時號稱得人馬札兒台暨子脫脫  
在外時相欲傾之嗾人告變且扳臺臣  
同上奏亦憐真班曰凡為相者孰無閑  
退其父子無大咎柰何迫之於險終不

召脫脫  
還

從御史劾奏時相帝不聽亦憐真班論  
奏不已故出之於外亦憐真班○馬札  
兒台卒召脫脫還○十二月以朶兒只  
為右丞相太平為左丞相○命選臺閣  
名臣二十六人出為郡守縣令以連年  
水旱民多失業故也

修后妃  
功臣傳

**戊子**八年春正月詔翰林國史院纂脩  
后妃功臣列傳以學士承旨張起巖學  
士楊宗瑞侍講學士黃潛為總裁官左

立社長

丞相太平。左丞呂思誠共領其事。○三月癸卯。帝親試進士七十八人。賜阿魯輝帖木兒。王宗哲進士及第。餘出身有差。○詔守令選立社長。專一勸課農桑。○詔京官三品以上。歲舉守令一人。守令到官三月。亦舉一人自代。○帝如上都。○命脫脫為太傅。○夏五月。大霖雨。京城崩。廣西山崩。水湧。離江溢。平地水深二丈。屋宇人畜漂沒甚衆。○秋七月

方國珍起作亂

朔日食。○八月。帝還大都。○冬十月。台州方國珍作亂。聚衆海上。命江浙參政朶兒只班討之。○監察御史李泌言。世祖誓不與高麗共事。陛下踐世祖之位。何忍忘世祖之言。乃以高麗奇氏亦位皇后。今災異屢起。河決地震。盜賊滋蔓。皆陰盛陽微之象。乞仍降為妃。庶幾災異可息。不聽。○十一月。翰林學士致仕虞集卒。集字伯生。宋丞相允文五世孫。

虞集卒

也。父汲黃岡尉。僑居臨川。崇仁與吳澄友。澄稱汲之文清而醇。其教授諸生。得李木魯翀。歐陽玄。以翰林編修致仕。集母楊氏亦通經學。故集與弟槃之學皆得之家庭。又以契家子從。吳澄游江西。左丞董士選。延集家塾。大德初。薦為京學教授。歷事成宗。武宗。以至文宗。皆處國學翰林。集賢奎章。內不任臺省。外不任州郡。常欲乞一郡自效。而上惟恐其

學校議

考進士  
議

去弗許也。其議學校曰。今天下學官以資格授。強加之諸生之上。而欲望師道之立。可乎。為今之計。莫若使守令求經明行脩者。身師尊之。庶可以觀感而化矣。其考進士試。則語同列曰。五經傳註各有主。將以一道德同風俗。非欲使學者專門擅業。如近代五經學究之固陋也。試藝之文。推其高者取之。不必先有主意。若主意先定。則求賢之心狹。而差

海運糧  
議

自此始矣。其脩經世大典。則曰。累朝故事。有未備。非閱祖宗實錄。不能成書。而翰林臣以為實錄不可傳於外。竟不得見。其論海運糧曰。東南運糧。實竭民力。今京師之東。濱海數千里。北極遼海。南瀕青齊。萑葦之場也。而海潮日至。淤為沃壤。宜用浙人之法。築堤捍水為田。聽富民欲官者。令其衆分以地。官定其畔。以萬夫畊。命為萬夫長。以千夫畊。命為

千戶長。三年而征其稅。如是。則東面民數萬。可以衛京師。可以防島夷。可以省海運矣。時異議者多。事竟寢。文宗在上都時。將立其子為太子。乃以順帝乳母之夫言明宗在日。素謂太子非其子。因黜之江南。而召集使書詔。播告中外。文宗與幼君相繼崩。大臣將立帝。召諸老臣赴上都議事。集亦在列。馬祖常使人告之曰。御史有言矣。集乃謝病歸臨川。帝

集素孝友

既立。侍臣有以舊詔為言者。帝不懌曰。此我家事。豈由彼書生耶。至是集以疾卒。年七十七。官十二轉為通奉大夫。贈江西行省參政。封仁壽郡公。集平生詩文萬篇。藁存者十二三。素孝友。弟槃早卒。教育其孤。無異已子。兄采以筦庫輸京師。所虧甚多。集代為償之。早歲與弟槃構書舍為二室。左室書陶淵明詩於壁。題曰陶庵。右室書邵堯夫詩於壁。題

槃著非非國語

文章以氣為主

曰邵庵。故稱集為邵庵先生。子四人。弟槃字仲常。以進士授永豐丞。遷湘鄉州判官。頗稱癖古。有廉能。少時讀柳子厚非國語曰。國語誠可非也。而柳子之說亦非也。於是著非非國語。十二月。寧國府推官楊載卒。載字仲弘。杭州人。以大臣薦為翰林編修。遷寧國府推官。載之文章。一以氣為主。自成一家言。而於詩尤有法。嘗語學者曰。詩當取材於楚

漢而音節以唐人為宗。范楊虞揭俱為  
一代文章之巨擘。而載之詩。變宋末陋  
習。尤居范虞揭之先者也。

定守令  
督捕之法

**巳丑**九年夏四月。帝如上都。○五月。定  
守令督捕之法。路督攝府。府督攝州。州  
督攝縣。○六月。刻小玉印。以至正。珎秘  
為文。凡秘書監所掌書畫。皆識之。○秋  
七月。監察御史幹勒海壽劾奏殿中侍  
御史哈麻及其弟雪雪罪惡。御史大夫

命李  
肆業分

坐  
東西向

韓嘉訥以聞。不省。章三上。詔奪哈麻雪  
雪官。出海壽為陝西廉訪副使。○閏月。右  
丞相朶兒只。左丞相太平並罷。以脫脫  
為中書右丞相。仍太傅。○八月。帝還大  
都。○冬。十月。命皇太子愛猷識理達臘  
於端本堂肄業。太子與師傅分東西向  
坐。○十一月朔。日食。

**庚寅**十年春正月。甲戌。隕石棣州。色黑。  
中微有金星。先有聲自西北來。至州二

十里乃隕○二月奉化州山石裂○夏四月帝如上都○吏部尚書僕哲篤等言更鈔法詔廷臣集議皆唯唯而已獨國子祭酒呂思誠極言其不可弗聽○六月壬子有星大如月入北斗震聲若雷○秋八月帝還大都○九月祭三皇如祭孔子禮○冬十一月朔日食○鑄至正通寶錢○是月三星隕于耀州化為石如斧形削之有屑擊之有聲○十

二月修大都城○方國珍寇温州

**辛卯**十一年春正月命江浙左丞李羅

帖木兒以兵討方國珍○二月庚戌親

策進士八十三人賜彙列圖文允中進

士及第餘賜出身有差○徵建寧處士

彭炳為端本堂說書不至○夏四月詔

開黃河故道先是河決白茅堤又決金

堤方數千里民被其患五年不能塞脫

脫用賈魯計請塞之以賈魯為工部尚

徵建寧  
處士彭  
炳

詔開黃  
河故道

劉福通  
作亂

書河防使發河南北兵民十七萬自黃陵岡至陽青村合于故道凡二百八十里有奇仍命中書右丞王樞虎兒吐華同知樞密院事黑廝以兵鎮之○帝如上都○夏五月朔日食○潁州妖人劉福通作亂以紅巾為號陷潁州初藥城人韓山童祖父以白蓮會燒香惑眾至山童倡言天下大亂彌勒佛下生河南及江淮愚民翕然信之福通與杜遵道

討方國  
珍敗績

羅文素盛文郁王顯忠韓咬兒等復妖言謂山童當為中國主殺白馬黑牛誓告天地欲同起兵作亂事覺縣官捕之急福通遂反山童就擒其妻楊氏其子韓林兒逃之武安○六月劉福通據朱臯攻破羅山真陽確山遂犯舞陽葉縣等處○發軍一千從直沽至通州疏濬河道○秋七月開河功成乃議塞決河○李羅帖木兒討方國珍敗績命大司



芝麻李  
反

徐壽輝  
僭稱帝  
改元

農達識帖睦邇及江浙參政樊執敬同  
招諭之○八月蕭縣李二老彭趙君用  
反攻陷徐州李二號芝麻李亦以燒香  
聚衆而起○蘄州羅田縣人徐貞一名  
壽輝麻城人鄒普勝等以妖術聚衆反  
亦以紅巾為號○九月劉福通陷汝寧  
府及息州光州衆至十萬○徐壽輝陷  
蘄水縣及黃州以蘄水為都國號天完  
僭稱皇帝改元治平以鄒普勝為太師

○冬十一月有星孛于西方○黃河堤  
成散軍民役夫召賈魯還朝超授榮祿  
大夫集賢大學士○江西妖人鄧南二  
作亂攻瑞州總管禹蘇福擒誅之○十  
二月太白屢經天○命知樞密院事老  
章以兵同也先帖木兒討河南妖寇復  
上蔡縣擒韓咬兒等送京師誅之  
**壬辰**十二年春正月詔印造中統元寶  
交鈔一百九十萬錠○竹山賊陷襄陽

請諭護  
農民播  
種

總管柴肅死之。又陷荊門州。○中書省  
臣言河南陝西腹裏諸路供給繁重。調  
兵討賊。正當春首畊作之時。恐農民不  
能安於田畝。守令有失勸課。宜委通曉  
農事官員分道巡視。督勒守令親詣鄉  
都省諭農民。依時播種。務要人盡其力。  
地盡其利。其有曾經盜賊水旱之處。貧  
民不能自備牛種者。所在有司給之。仍  
令總兵官禁止屯駐軍馬。毋得踏踐。以

徐壽輝  
陷漢陽  
興國武  
昌等處

徐壽輝  
陷江州

致農事廢弛。從之。○徐壽輝遣偽將丁  
普郎。徐明遠陷漢陽。又陷興國府。○徐  
壽輝遣鄒普勝陷武昌。威順王暨平章  
和尚棄城走。偽將曾法興陷安陸。知府  
丑驢戰敗死之。○徐壽輝遣偽將又陷  
沔陽府。陷中興路。山南宣慰司同知月  
古輪失領兵出戰。衆潰。宣慰使錦州不  
花廉訪使卜札月敦皆遁去。○二月。徐  
壽輝兵陷江州。總管李黼死之。黼字子

威。潁人也。父守中為工部尚書。黼以泰定四年廷試魁多士。授翰林修撰。歷官皆朝職。江南寇競起。黼出守江州。初賊既陷武昌。舳艫蔽江而下。九江當其前。實江西襟喉之地。黼治城壕。修器械。募丁壯分守要害。且上攻守之策于行省。請兵屯江北以拒賊衝。不報。黼歎曰。吾不知死所矣。賊渡江。威順王走。李羅帖木兒在江上。亦遁。黼孤立。賊猝至。黼自

李黼敗賊兵

出戰。身先士卒。大呼陷陣也。孫帖木兒繼進。賊大敗。逐北六十里。殺獲二萬餘。黼謂其下曰。賊不利於陸。必由水攻。乃設七星檣於沿岸水中。賊舟因風鼓譟而進。舟遇檣不得動。乃率將士奮擊。射以火箭。賊多焚溺死。餘舟散走。行省上黼功。請以為行省參政。江州南康等路軍民都總管。便宜行事。既而賊大至。諸路守臣皆棄城遁。黼守孤城。以無援而城

李黼守城死節

陷與之巷戰。知力不敵。揮劍叱賊曰。殺我毋殺百姓。賊自巷背來。刺黼墜馬。與從子秉昭俱罵賊而死。黼死踰月。參政總管之命始下。事聞。詔贈攄忠秉義效節功臣。淮南江北等處行中書左丞上護軍。追封隴西郡公。謚忠文。立廟江州。賜額曰崇烈。官其子秉方集賢待制。黼兄冕居潁。亦死于賊。秉昭冕之子也。○徐壽輝兵遂陷南康路。分兵陷岳州。○

壽輝陷南康及岳州歸州瑞州饒徽信三州

房州賊兵陷歸州城。命德住為河南右丞守東明。時德住致仕家居。聞命馳至東明。浚城隍。嚴備禦。賊不敢犯。○三月。徐壽輝偽將歐祥陷袁州。陶九陷瑞州。許甲攻衡州。洞官黃安撫敗之。○河南左丞相太不花復南陽等處。○徐壽輝偽將項普略陷饒州。又陷徽州。信州。以亦憐真班為江西左丞相領兵捕討之。○方國珍遣其黨請降。復劫其衆下

海以叛。入黃巖港。台州路達魯花赤泰不華帥兵與戰。死之。泰不華字兼善。伯牙吾台氏。父為台州錄事。因家于台。家貧好讀書。年十七。江浙鄉試第一。廷試賜進士及第。授集賢脩撰。拜南臺御史。時御史大夫脫歡貪暴。劾罷之。及帝即位。加文宗后為太皇太后。燕帖木兒伯顏皆封王。泰不華時為中臺御史。率同列上章言其皆不當。太后怒。欲殺言者。

方國珍  
降而復  
叛

泰不華語同列曰。事自我發之。甘受戮。不敢累諸公也。已而太后怒解。賜金幣以旌其直。至正元年。除紹興總管。革吏弊。除沒官牛租。令民自實田。以均賦役。行鄉飲酒禮。教民興讓。越俗大化。召入史館。與脩宋遼金三史。書成。拜秘書監卿。遷禮部尚書。繼為翰林侍讀學士。至是以國珍為亂海隅。以泰不華為台州達魯花赤招降之。國珍復入海叛。泰不

泰不華  
與國珍  
戰死之

華自分以死報國。發兵扼黃巖之澄江。遣義士王大用抵國珍。示約信。使之來歸。國珍疑。拘大用不遣。以小舸二百突海門。入州港。犯馬鞍諸山。泰不華語衆曰。吾以諸生登顯要。誠慮負所學。今守海隅。賊纔就招。復為亂。君輩助我擊之。克則衆之功也。不克。死以報國耳。時國珍所親陳仲達言其可降。狀。泰不華率衆乘潮而前。將與國珍遇。呼仲達問之。

仲達目動氣索。泰不華覺其心異。手斬之。即前薄賊船。射死五人。賊躍入船。復斫死二人。賊舉槩以刺。輒斫折之。賊群至。欲抱持過國珍船。泰不華瞋目叱之。脫起奪賊刀。又殺二人。賊攢槩刺之。中頸死。猶立而不仆。投其屍海中。年四十九。詔贈榮祿大夫。江浙行省平章政事。柱國。封魏國公。謚忠介。立廟台州。賜額曰崇節。

尚氣節  
不隨俗  
浮沉

隴西地震

梁寅按史臣曰泰不華尚氣節不隨俗浮沈丞相太平被劾去獨餞之都門外太平止之曰恐累公乃曰士為知己死寧避禍耶後雖為時相所擯斥人莫不韙之善篆隸溫潤遒勁嘗重類復古編十卷攷究訛字於經史多有據云

隴西地震百餘日不止○會州公廨中墻崩獲弩五百餘張長者丈餘短者九

尺人莫能挽○閏月徐壽輝偽將陳普文陷安吉路鄉民羅明遠起義兵復之○湖廣參政鐵傑以湖南兵復岳州又同萬戶陶夢楨復武昌未幾再陷○四川行省平章咬住討荆襄賊克復忠萬夔雲陽等州○命江西行省左丞火你赤與參政朶解討江西賊江西右丞兀忽失江浙左丞老老與星吉卜顏帖木兒蠻子海牙同討饒信等處賊○方國

請明正  
喪師之  
罪不報

珍不受招安之命。命江浙左丞左峇納  
失里討之。○湖廣平章也先帖木兒駐  
軍沙河。軍中夜驚。軍潰退。屯朱仙鎮。詔  
以中書平章蠻子代總其兵也。先帖木  
兒還京師。仍命為御史大夫。西臺御史  
蒙古魯海牙。范文等奏言也。先帖木兒  
喪師辱國。乞明正其罪。不聽。○夏四月  
朔。日食。○臨川賊鄧忠陷建昌路。○宜  
黃賊塗祐與邵武賊應必達等攻陷邵

歐陽玄  
致仕

安置宋  
之子孫  
沙州

武路總管吳按攤不花以兵討之。千戶  
魏淳以計擒塗祐。應必達復其城。○翰  
林學士承旨歐陽玄以湖廣行省右丞  
致仕。給全俸終其身。○荆門知州聶炳  
復荆門州。○四川行省平章咬住復歸  
州。進攻峽州。大破賊兵。誅賊將李大素  
等。遂平之。又復中興路。○安置瀛國公  
之子和尚趙完普及親屬于沙州。從監  
察御史徹徹帖木兒等言河南諸處群



盜輒引亡宋故號以為口實故也○建昌民戴良起義兵復建昌路○六月以荅失八都魯為四川行省至荆門增募兵趨襄陽與賊戰大敗克之○紅巾周伯顏陷道州○秋七月徐壽輝偽將項普略陷杭州路○湘鄉賊陷寶慶路○右丞相脫脫請親出師討徐州詔許之○八月湖南元帥小云失海牙總管兀顏思忠復寶慶○方國珍率衆攻台州

戴良起  
兵復建昌

浙東元帥也忒迷失福建元帥黑的兒擊走之○命知樞密院事咬咬中書平章搠思監也可札魯忽赤福壽並從脫脫征徐州脫脫將出師尚書密邇麻和謨等上言大臣天子之股肱中書庶政之根本不可以一日離乞詔留賢相弼亮天工如此則内外有兼治之宜社稷有倚重之寄不報○詔脫脫以荅刺罕太傅中書右丞相分省于外督制諸路

脫脫帥  
兵討徐  
州寇

軍馬討徐州。省院臺分官屬從行。稟受節制。爵賞有功。誅殺有罪。綏順討逆。悉聽便宜從事。即日發京師。○九月。師次徐州。攻其西門。賊出戰。麾兵進擊。敗之。入其郭。明日。大兵四起。亟攻之。賊不能支。城破。芝麻李遁去。遂屠其城。詔加脫脫為太師。班師還。○安陸賊將俞君正復陷荆門。知州聶炳死之。○徐壽輝賊將党仲達復陷岳州。俞君正復陷中興。

義士范忠復中興路

平章咬住與戰。敗績。中興路判官上都死之。○中興義士范忠。荆門僧李智。率義兵復中興。俞君正敗走。指揮使掩都刺哈蠻領兵入城。咬住自松滋還。屯兵于石馬。○冬十一月。以星吉為江西平章。出師湖廣。命江浙右丞帖里帖木兒總兵討方國珍。○十二月。荅失八都魯復襄陽。○潁州沈丘人察罕帖木兒與信陽羅山李思齊同起義兵。殺賊有

功。詔授察罕帖木兒中順大夫汝寧府  
達魯花赤。李思齊知汝寧府

**癸巳**

十三年春正月。命悟良哈台烏古

孫良楨兼大司農卿。給分司農司印。西  
自西山。南至保定河間。北至檀順州。東  
至遷民鎮。凡係官地。及元管各處屯田。  
悉從分司農司立法佃種。所用工價。牛  
具。農器。穀種。召募農夫。給鈔五百萬錠。  
以供其用。○三月。命江浙左丞相帖里帖

招諭方  
國珍

張士誠  
反僭稱  
王改元

木兒。南臺侍御史左答里失里。招諭方  
國珍。國珍請降。○夏五月。江西左丞相  
亦憐真班。江浙左丞老老。引兵取道自  
信州。元帥韓邦彥哈迷。取道由浮梁。同  
復饒州。蘄黃等賊聞風。皆奔潰。○泰州  
白駒場亭民張士誠。及其弟士德。士信。  
作亂。陷泰州。及興化縣。遂陷高郵。據之。  
僭號大周國。自稱誠王。建元天祐。○起  
復余闕為淮東宣慰副使。僉都元帥府

事分兵守安慶。闕字廷心。唐兀氏世家。武威父官廬州。遂為廬人。闕少喪父。授徒以養母。元統初登進士第。授同知泗州事。為政嚴明。宿吏皆憚之。為刑部主事。以不阿權貴。棄官歸。召脩宋遼金三史。入翰林為脩撰。歷監察御史。出為湖廣省郎中。莫徭蠻反。右丞沙班當征而辭。闕直言曰。右丞當往。沙班曰。郎中言固是。如芻糧不足何。闕曰。公第往。此不

起復余  
關守安  
慶

難。闕下令趣芻糧三日而集。沙班行入朝。三遷出。僉浙東憲司事。丁母憂歸。至是盜兵大起。乃起闕。命守安慶。到官十日。寇至。却之。集將吏議屯田戰守計。環境築堡寨。選精甲外捍而田其中。明年春夏大飢。人相食。捐俸為粥以食之。請之中書得鈔三萬錠以賑民。○六月立皇子愛猷識理達臘為皇太子。中書令樞密使○知樞密院事失剌把都總河

立皇太子

南軍平章谷失八都魯總四川軍。自襄陽分道而下。復安陸府。○秋九月朔日。食。○冬十月。廣西元帥甄崇福復道州。誅賊將周伯顏。○詔授方國珍徽州路治中。國璋廣德路治中。國瑛信州路治中。從帖里帖木兒。左谷納失里之請也。督國珍等之任。國珍疑懼不受命。○十一月。江西左丞火你赤以兵平富州臨江。遂復瑞州。○江浙平章卜顏帖木兒。

合兵討  
徐壽輝  
敗之

帝行房  
中運氣  
術

南臺中丞蠻子海牙。四川參政哈林禿。左丞桑禿失里。西寧王牙罕沙。合軍討徐壽輝於蘄水。敗之。壽輝遁走。獲其偽官四百人。○陝西平章孛羅。四川右丞谷失八都魯。復均房等州。詔孛羅守之。○哈麻及禿魯帖木兒等。陰進西天僧于帝。行房中運氣之術。號演揲兒法。演揲兒者。華言大喜樂也。又進西蕃僧善秘密法。帝皆習之。時帝在位久。怠於政。

事荒于遊宴。以宮女一十六人按舞。名為天魔舞。首垂髮數辨。戴象牙冠。身披纓絡。大紅銷金長短裙襖。雲肩合袖。天衣綬帶鞋襪。各執加巴刺般之器。內一人執鈴杵奏樂。又宮女十一人。練槌髻。勒帕。常服或用唐帽窄衫。所奏樂用龍笛。頭管。小鼓。箏。琵琶。笙。胡琴。響板。以宦者長安迭不花領之。遇宮中讚佛。則按舞奏樂。宦官受秘密戒者得入。餘不

天魔舞

得預。帝又於內苑造龍船。自製其樣。首尾長一百二十尺。廣二十尺。前瓦簾棚穿廊。兩煖閣。後五殿樓子。龍身并殿宇用五采金粧。前有两爪。上用水手二十四人。紫衫金荔枝帶。四帶頭巾。於船兩傍下。各執篙一。自後宮至前宮山下海子內。往來遊戲。船行則龍首眼口爪尾皆動。又自製宮漏。約高六七尺。為木櫃藏諸壺。運水上下。櫃上設西方三聖殿。櫃

內苑造龍舟

自製宮漏

腰設玉女捧時刻籌。時至輒浮水而上。左右列二金甲神人。一懸鍾。一懸鈺。夜則神人自能按更而擊。

**甲午**十四年春正月甲子朔。汴梁城東汴河水皆成五色花草如繪畫。三日方解。○荅失八都魯復峽州。○二月命江浙湖廣及江南行臺合兵討沿江盜賊。○三月朔日食。○翰林侍講學士致仕黃潛卒。潛字晉卿。婺州義烏人。以進士

黃潛卒

累官至江浙儒學提舉。年六十七告歸侍親。以秘書少監致仕。未幾召拜翰林直學士。尋陞侍講學士。告歸。復追還京。修宋遼金三史為總裁官。後得請南還。優游田里間。凡七年卒。年八十一。贈中奉大夫。江浙行省參知政事。封江夏郡公。謚文獻。潛天資介特。涖官清白。月俸弗給。鬻產以佐其費。升朝挺立無所附。文辭謹嚴而精至。所著書有日損齋藁三十

廷試進士

三卷。義烏志七卷。筆記一卷。○廷試進士六十二人。賜薛朝晤牛繼志進士及第。餘出身有差。○潁州陷。○夏四月。汾陽地震。○命江浙右丞阿兒溫沙參政。恩寧普皆總兵討方國珍。以御史臺臣糾言江浙左丞帖里帖木兒等罪。先是帖里帖木兒與南臺侍御史左谷納失里奉旨招諭國珍。報言國珍已降。乞立巡防千戶所。朝廷授以五品流官。令納其

立毛胡蘆蕩府

船。散遣徒衆。國珍不從。擁船一千三百餘艘。仍據海道。阻絕糧運。以故歸罪二人。○立南陽鄧州等處毛胡蘆義兵萬人。戶府募土人為軍。免其差役。令討賊自效。因其鄉人自相團結。號毛胡蘆。故以名之。○六月。張士誠寇揚州。達識帖睦迺以兵討之。敗績。諸軍皆潰。詔江浙參政佛家問會達識帖睦迺復進兵討之。○賊陷盱眙。又陷泗州。官軍皆潰。命刑



詔脫脫  
督師

脫脫平  
賊大捷

部尚書阿魯於海寧州等處募兵討泗  
州賊○江西行省左丞相亦憐真班卒  
○秋九月詔脫脫以太師中書右丞相  
總制諸省軍馬董督總兵領兵大  
小官將出征高郵○方國珍拘執元帥  
也忒迷失黃岩州達魯花赤宋伯顏不  
花知州趙宜浩以俟詔命○冬十月詔  
答失八都魯及太不花等會軍討安豐  
賊○十一月脫脫大軍至高郵連戰皆

脫脫被  
讒削爵  
安置淮  
安

捷分遣兵平六合賊勢大蹙初中書右  
丞哈麻與脫脫有隙至是監察御史袁  
賽因不花等承哈麻風旨劾奏脫脫出  
師三月略無寸功傾國家之財以為已  
用半朝廷之官以為已隨其弟也先帖  
木兒庸材鄙器玷污清臺綱紀之政不  
修貪淫之心益著章三上詔令也先帖  
木兒出都門聽旨○詔削奪脫脫官爵  
安置淮安御史大夫也先帖木兒安置

寧夏以太不花為河南行省左丞相。月  
闕察兒為中書平章。雪雪知樞密院事。  
代領其兵。詔以脫脫老師費財已逾三  
月。坐視寇盜。恬不為意。詔至軍中。參議  
龔伯遂謂脫脫曰。將在軍。君命有所不  
受。且丞相出師時。嘗被密旨。一意進討  
可也。詔書且勿開。開則大事去矣。脫脫  
曰。天子詔我。而我不從。是與天子抗也。  
君臣之義何在。弗從。既聽詔。脫脫頓首

不抗君  
禮

謝曰。臣至愚。荷天子寵靈。委以軍國重  
事。夙夜戰兢。懼弗克勝。一旦釋此重負。  
上恩所及者深矣。即出名甲及名馬三  
千分賜諸將。俾各率所部。以聽月闕察  
兒。雪雪節制。客省副使哈刺答曰。丞相  
此行。我輩必死他人之手。今日寧死丞  
相前。乃拔刀自刎而死。○命威順王寬  
徹。普化還鎮湖廣。先是以賊據湖廣。奪  
其王印。至是王討賊累立功。故詔還其

印。仍守舊鎮。○徭賊寇衡州。萬戶許脫

因死之

請禁收  
叔孀兄  
嫂

乙未十五年春正月。大幹耳朶教授鄭

亘建言。蒙古乃國家本族。宜教之以

禮。而猶循本俗。不行三年之喪。又收

繼叔孀兄嫂。恐貽笑後世。必宜改革。

繩之以禮。不報。○倪文俊復陷沔陽

府。威順王令其子報恩奴等同湖南

元帥阿思藍水陸並進討之。至漢川

水淺。文俊用火筏燒船。報恩奴敗死

○二月。劉福通等自礪山夾河迎韓

林兒至。立以為帝。號小明王。建都亳

州。國號宋。改元龍鳳。以其母楊氏為

皇太后。杜遵道為丞相。劉福通為平

章。劉六知樞密院事。拆鹿邑縣太清

宮材。建宮闕。遵道專權。福通遣人搃

殺之。而代為丞相。後稱太保。○夏。四

月。哈麻矯詔殺故中書右丞相脫脫

韓林兒  
稱帝改  
元龍鳳

于淮安。哈麻遣人鳩之。卒年四十二。

**張美和按史臣曰**脫脫儀狀俊偉。

頎然出於千百人中。而器識宏遠。人莫測其量。功施社稷而不伐。位極人臣而不驕。輕貨財。遠聲色。好賢禮士。皆出於天性。至於事君之際。始終不失臣節。雖古之大臣。何以過之。惟其惑於羣小。急於私怨。君子譏焉。

哈麻矯  
詔殺脫脫

五月。倪文俊自沔陽陷中興路。元帥朶兒只班死之。○六月我

大明

大明太祖高皇帝起兵取天下郡縣

**太祖高皇帝**起兵。自和州渡江。取太平

路。自紅巾倡亂之後。南北郡縣多陷沒。故

**太祖高皇帝**從而取之。○秋。七月。倪文

俊復陷武昌。漢陽等路。遂圍岳州。○八月。蕲黃賊陷宣州。嘉議大夫禮部

尚書致仕汪澤民死之。澤民字叔志。婺源人。致仕居宣州城。陷不屈。罵賊而死。○冬十一月壬辰。親祀上帝于南郊。先是帝謂右丞相定住曰。敬天地。尊祖宗。重事也。近年以來。闕於舉行。當選吉日。朕將親祀郊廟。務盡誠敬。不必繁文。卿等其議典禮。從其簡者行之。遂命右丞幹鑾。左丞呂思誠領其事。哈麻奏郊祀之禮以太祖配。

祀南郊

皇帝出宮。至郊祀所。便服乘馬。不設內外儀仗。教坊隊子。齋戒七日。內散齋四日。於別殿致齋二三日。在大明殿西幄一日。在郊祀所。至是以皇太子為亞獻。攝太尉右丞相定住為終獻。○十二月。以天下兵起。下詔罪已。大赦天下。○河南省平章荅失八都魯大敗劉福通等于太康。遂圍亳州。偽宋主遁于安豐。○詔濬大內河道。

河南省  
敗偽宋主

哈麻伏  
誅

命宦者楚先董其後。楚先奏自十一年以來。天下多事。不宜興作。帝怒。命往使高麗。改命宦者荅失蠻董之。

**丙申**十六年春正月。倪文俊建偽都于漢陽。迎徐壽輝居之。○二月。哈麻伏誅。初。哈麻既為相。自以前所進西蕃僧為恥。告其父曰。我兄弟位居宰輔。宜導人主以正。今秃魯帖木兒專媚上。以淫褻。天下士大夫必譏笑我。將

何面目見人。且上日趨於昏暗。何以治天下。今皇太子年長。聰明過人。不若立以為帝。奉上為太上皇。其妹聞之。歸告其夫秃魯帖木兒。恐皇太子立。不利於已。即以聞于帝。不敢言淫褻事。但曰。哈麻謂陛下年老故耳。帝大驚曰。我髮未白。齒未落。遽以為老耶。由是有意誅之。至是御史搠思監等糾言其罪。遂并其弟雪雪杖殺之。

○三月

大明兵取集慶路南臺御史大夫福壽死之。先是

大明兵圍集慶。福壽數督兵出戰。盡閉諸城門。獨開東門以通出入。而兵力不復能支。城遂陷。百司皆奔潰。福壽乃獨據胡床坐鳳凰臺下。指麾左右。或勸之去。叱之曰。吾為重臣。城存則生。城破則死。尚安往哉。俄而亂兵四

集慶守臣福壽死節

集。遂遇害。事聞。贈左丞相。追封衛國

公。謚忠肅。

福壽。唐元人也。

○以余闕為淮南

余闕江淮保障

行省參知政事。仍守安慶。十五年大熟。得糧三萬斛。闕乃浚湟增陴。外環以大防。深塹三重。南引江水注之。環植木為柵。城上四面起飛樓。表裏完固。盜環布四外。闕居其中。屹然為江淮一保障。池州賊趙普勝來攻城。連戰三日。敗去。再至。相距二十日。又敗退。

去

大明兵取鎮江廣德○張士誠陷平江路及湖州又陷常州○是月有兩日相盪○夏五月倪文俊陷澧州路○秋七月張士誠遣兵陷杭州平章左丞相納失里戰死楊完者及萬戶普賢奴擊敗之復其城○八月奉元路判官王淵以義兵復商州○倪文俊陷衡州元帥甄崇福戰死○甲戌彗星

汝潁賊陷潼關

見張宿色青白指西南長尺餘至十二月戊午始滅○九月汝潁賊李武崔德等攻陷潼關參政述律杰戰死豫王阿剌忒納失里同知樞密院事定住引兵復潼關河南平章伯家奴以兵守之未幾寇復陷潼關伯家奴兵潰豫王復以兵取之李武崔德敗走○冬十月有星如火從東南流芒尾如曳筭墮地有聲火焰蓬勃久之



星化為石

太不花軍勢大振

乃息化為石。青黑光瑩。形如狗頭。命藏于庫。○十一月。河南陷。○十二月。倪文俊陷岳州。殺威順王子。与帖木兒。○湖廣參政也先帖木兒。與左江義兵萬戶鄧祖勝。合兵復衡州。○河南行省左丞相太不花。駐軍于南陽嵩汝等州。叛民皆降。軍勢大振。

丁酉十七年春正月朔日食。○二月。李

武。崔德。犯七盤藍田。命察罕帖木兒。

劉福通黨陷州郡

以軍會。答兒麻亦兒。守陝州潼關。哈刺不花。由潼關抵陝西。會豫王及定住。同進討。○劉福通遣其黨毛貴陷膠州。僉樞密院事。脫歡死之。○倪文俊陷峽州。○李武。崔德。陷商州。察罕帖木兒。與李思齊。以兵援陝西。詔以察罕帖木兒。為陝西左丞。思齊。為四川左丞。○以高寶。為四川參政。將兵取中興。不克。賊遂破輓轡關。○三月。

山東郡  
縣皆陷  
沒

義兵萬戶賽甫丁阿迷里可叛據泉  
州○毛貴陷萊州守臣釋嘉訥死之  
大明兵取常州又取寧國路○毛貴陷  
益都益王買奴遁自是山東郡縣皆  
陷矣○夏四月監察御史五十九言  
今京師周圍雖設二十四營軍卒疲  
弱素不訓練誠為虛設倘有不測誠  
可寒心宜速選擇驍勇精銳衛護大  
駕鎮守京師實方今奠安根本固結

人心之急務况武備莫重於兵而養  
兵莫先於食今朝廷撥降鈔錠措置  
農具命總兵官於河南北克復州郡  
且耕且戰甚合寓兵於農之意為今  
之計權命總兵官從宜於軍官內選  
委能撫字軍民者兼路府州縣之職  
務要農事有成軍民得所則擾民之  
害亦除而匱乏之憂亦釋矣帝嘉納  
之○六月以實理門為中書分省右

請選將  
練兵鎮  
守京師

劉福通  
犯汴梁

丞守濟寧○監察御史脫脫木兒言去歲河南之賊窺伺河北惟河南與山東互相策應為害尤大為今之計當遴選能將就太不花答失八都魯阿魯三處軍馬內擇其精銳以守河北進可以制河南之侵退可以攻山東之寇庶幾無虞帝然之○劉福通犯汴梁分軍三道關先生破頭潘等寇晉冀白不信大刀敖李喜喜趨關

中毛貴據山東其勢大振○温州樂清江中龍起有火光如毬

大明兵取江陰州又取徽州路○秋七月。中書省臣言山東般陽益都相次陷沒。濟南日危。宜選將練卒。信賞必罰。為保燕趙計。以衛京師。不報。○鎮守黃河義兵萬戶田豐叛。陷濟寧路。分省右丞實理門遁。義兵萬戶孟本周攻之。豐敗走。○監察御史迭里彌

請圖克  
復不報

實言疆域日蹙。兵律不嚴。陝西汴梁  
淮潁山東之寇。有窺伺燕趙之志。宜  
俯詢大臣。共圖克復之宜。預定守備  
之策。不報。○歸德知府林茂。萬戶時  
公權。以城降賊。歸德府及曹州皆陷。  
○八月。劉福通陷大名。又陷衛輝路。  
大明兵取揚州路。○張士誠遣使請降。  
江浙左丞相達識帖睦爾承制。令參  
政周伯琦等至平江。撫諭之。詔以士

張士誠  
請降

誠為太尉。○九月。澤州陵川縣陷。縣  
尹張輔死之。○太不花復大名路。并  
所屬郡縣。○命太尉紐的該總諸軍  
守東昌。時田豐據濟濮。率眾來寇。擊  
走之。○倪文俊謀殺其主徐壽輝。不  
果。自漢陽奔黃州。壽輝偽將陳友諒  
襲殺之。遂自稱平章。○閏月。賊攻冀  
寧。察罕帖木兒擊走之。○冬十月。曹  
州賊入太行山。白不信。大刀敖。李喜

陳友諒  
殺倪文  
俊

喜陷興元。遂入鳳翔。察罕帖木兒李思齊屢擊破之。其黨走入蜀。○谷失八都魯與知樞密院事谷里麻失里合軍討曹州賊。官軍潰。谷里麻失里死之。○靜江路山崩。地陷。大水。○翰林學士承旨歐陽玄卒。玄字原功。其先本廬陵人。曾大父始徙居瀏陽。延祐初登第。授同知岳州路平江州事。累遷至翰林學士承旨。以湖廣行省

歐陽玄  
卒

右丞致仕。將歸。帝復留之。仍為承旨。時天下已亂。卒京城寓舍。年八十五。封楚國公。謚曰文。所著有圭齋集若干卷。

**梁寅**按史臣曰。歐陽文公性度雍容。含弘。績密。處已儉約。居官廉平。三任成均。而兩為祭酒。六入翰林。而三拜承旨。修實錄大典三史。皆大制作。凡制誥多出其手。文章道

德卓然名世

十一月賊侵壺關。察罕帖木兒大破之。○十二月慶元路鵝鼻山崩。○四川行省吞失八都魯卒于曹。○是歲倪文俊陷川蜀諸郡。令偽將元帥明玉珍守之。○趙君用及彭早住同據淮安。趙僭稱永義王。彭僭稱魯淮王。○義兵千戶余寶殺其知樞密院事寶童以叛。降于毛貴。寶遂據棣州。

明玉珍  
據蜀

戊戌十八年春正月。陳友諒陷安慶。守

將淮南行省右丞余闕死之。闕守孤城六年。群盜環布四外。而闕獨居其中。屹為江淮一保障。寇來至城下。輒敗去。至是友諒合諸寇來攻。趙普勝軍東門。祝冠軍南門。友諒軍西門。群盜四面蟻集。外無一甲之援。西門勢尤急。闕自當之。徒步提戈為士卒先。分麾下將督三門之兵。自以孤軍血

陳友諒  
陷安慶

節 余闕死

戰斬首無筭。而闕亦被十餘創。日中城陷。火起。闕知不可為。引刀自剄。墮清水塘中。妻耶律氏及子德生。女福童。皆赴井死。同時死者。守臣韓建一家被害。建方卧疾。罵賊不屈。闕號令嚴而信。與下同甘苦。然稍有違令。即斬以徇。闕嘗病。不視事。將士皆籲音喻也呼天。求以身代。闕聞。強衣冠而出。嘗出戰。矢石交下。士以盾蔽闕。闕却之。

立軍士  
聽講學

曰。汝輩亦有命。何蔽我為。故人爭用命。稍暇。即注周易。率諸生謁郡學會講。立軍士門外以聽。使知尊君親上之義。有古良將風烈。或挽闕入朝。以國步危蹙。辭不往。其忠國之心。蓋素定也。卒年五十六。事聞。贈攄誠守正清忠諒節功臣。榮祿大夫。淮南江北等處行中書省平章政事柱國。追封幽國公。謚忠宣。闕於五經。皆有傳註。

為文淳古有氣。詩尚江左。高視鮑謝。徐庾以下不論也。為篆籀亦工。初闕既死。賊義之。求屍塘中。具衣冠葬之。西門外。及安慶附。

大明

**太祖高皇帝**嘉闕之忠。詔立廟於忠節

大明太  
祖皇帝  
嘉闕之  
忠

坊。命有司歲時致祭焉。

大明兵取婺源州。○田豐陷東平路。○

知樞密院事不蘭奚與毛貴戰于好

石橋。敗績。走濟南。○以谷失八都魯子孛羅帖木兒為河南行省平章政事。總其父元管軍馬。○詔察罕帖木兒屯陝西。李思齊屯鳳翔。○二月。毛貴陷濟南。守將愛的戰死之。○田豐復陷濟寧路。紐的該聞田豐逼近東昌。棄城走。豐陷東昌路。○察罕帖木兒調兵復涇州平涼。保鞏昌。○三月辛丑。大同路夜黑氣蔽西方。有聲如

田豐陷  
濟寧路



毛貴陷  
般陽路

雷。少頃。東北方有雲如火。交射中天。遍地俱見火。空中有兵戈之聲。○王士誠自益都犯懷慶路。為周全所敗。遂陷晉寧路。總管賽因不花死之。○察罕帖木兒遣賽因赤復晉寧。○毛貴陷般陽路。又陷薊州。犯灤州。至棗林。樞密副使達國珎戰死。同知樞密院事劉哈刺不花擊敗之。貴走據濟南。○田豐陷益都。又陷廣平。大掠退。

保東昌

陳友諒  
陷龍興  
路

大明兵取建德路。○冀寧路陷。大同諸縣俱陷。察罕帖木兒遣關保往擊之。○夏四月。陳友諒陷龍興路。省臣道童火你赤棄城遁。友諒復陷瑞州。○察罕帖木兒。李思齊。會宣慰張良弼。郎中郭擇善。宣慰同知拜帖木兒。平章定住。總帥汪長生。奴各以所部兵討李喜喜于鞏昌。喜喜敗走入蜀。李

劉福通  
入汴梁

思齊張良弼同謀襲殺拜帖木兒分  
總其兵○五月察罕帖木兒遣董克  
昌等復冀寧還兵鎮之○賊兵踰太  
行察罕帖木兒部將關保擊敗之○  
劉福通攻汴梁守將竹貞棄城遁福  
通等入城乃自安豐迎其僞主居之  
以為都○陳友諒遣康泰趙琮鄧克  
明等寇邵武又遣別將陷吉安路關  
保與賊戰于高平大敗之○陳友諒

陷撫州○山東地震天雨白毛○六  
月察罕帖木兒調虎林赤關保同守  
潞州○以察罕帖木兒為陝西行省  
平章政事便宜行事○關先生破頭  
潘等陷遼州虎林赤擊走之關先生  
等遂陷冀寧路○秋七月周全據懷  
慶路以叛降于劉福通時察罕帖木  
兒駐軍洛陽遣伯帖木兒以兵守盩  
子城周全來戰伯帖木兒為其所殺

褒封唐  
劉蕡

全悉驅懷慶民渡河入汴梁福通遣全引兵攻洛陽察罕帖木兒登城以大義責全全愧謝退兵福通殺之○八月陳友諒陷建昌路○義兵萬戶王信以滕州叛降於毛貴○褒封唐贈諫議大夫劉蕡為文節昌平侯○關先生攻保定路不克遂陷完州掠大同興和塞外諸郡○陳友諒陷贛州路江西參政全普庵撒里及總管哈

海赤死之

大明兵取蘭溪州○十一月陳友諒陷

汀州○田豐陷順德路○十二月朔

日食○關先生破頭潘等陷上都焚宮闕留七日轉略遼陽

大明兵取婺州路守臣僧住死之

**己亥**十九年春正月陳友諒陷信州路守臣伯顏不花的斤死之○遼陽行省陷懿州路總管呂震死之

帝却天  
壽節朝  
賀禮

大明兵取諸暨州○三月陳友諒遣兵  
略衢州復遣兵陷襄陽路○夏四月  
毛貴為趙君用所殺○帝以天下多  
故却天壽節朝賀詔群臣曰朕方今  
宜敬天地法祖宗以自脩省初度之  
日群臣毋賀左丞相太平暨文武百  
官奏曰天壽節朝賀乃臣子報本實  
合禮典今謙讓不受固陛下盛德然  
今軍旅征進君臣名分正宜舉行不

允皇太子復率群臣上奏曰朝賀祝  
壽是祖宗以來舊行典故今不行有  
乖於禮帝曰今盜賊未息萬姓荼毒  
正朕恐懼修省之時柰何受賀以自  
樂御史大夫帖里帖木兒復奏曰天  
壽朝賀之禮蓋出臣子之誠伏望陛  
下曲徇所請帝曰為朕缺於修省以  
致萬民塗炭今復朝賀燕集是重朕  
之不德當俟天下安寧行之未晚卿

蝗飛蔽天

等其母復言。卒不聽。○賊陷寧夏路。遂略靈武等處。○五月。察罕帖木兒大發諸軍討劉福通。圍汴梁。○山東河東河南關中等處蝗飛蔽天。人馬不能行。所落溝塹盡平。民大饑。○趙君用既殺毛貴。其黨續繼祖自遼陽入益都。殺君用。遂與所部自相讎敵。○秋。八月。文俊黨陷歸州。○察罕帖木兒等攻破汴梁城。劉福通奉其僞

宋主遁走安豐。○九月

大明兵取衢州路。又取處州路。○冬十一月。陳友諒兵陷杉關。○十二月。皇太子殺中書左丞成遵。參政趙中。皇太子憾太平忤已。以二人皆太平所用。使監察御史誣以賊罪杖殺之。○陳友諒以江州為都。自稱漢王。迎僞主徐壽輝居之。○是歲以後。以上都宮闕廢毀。帝不復時巡。○遣使以御

以龍衣  
賜張士  
誠

酒龍衣賜張士誠。徵海運糧。自是士誠每歲運糧十萬餘石至京師。

**庚子**二十年春正月丙辰。五色雲見。

二月。左丞相太平罷為太保。守上都。

○三月。廷試進士三十五人。賜買住

魏元禮進士及第。餘出身有差。○彗

星見東方。○田豐陷保定路。○夏。四

月。遣司農司都事樂元臣。招諭田豐

至軍中。為豐所殺。○五月朔。日食。○

陳友諒  
僭稱改  
元

陳友諒殺其僞主徐壽輝於太平路。遂自稱皇帝。國號漢。改元大義。已而回駐江州。○六月

大明兵取信州路。○秋。七月。孛羅帖木

兒。敗賊將王士誠於臺州。○八月。命

孛羅帖木兒守石嶺關以北。察罕帖

木兒守石嶺關以南。九月。孛羅帖木

兒調兵自石嶺關直抵冀寧。圍其城

三日。復退屯交城。察罕帖木兒調參

兩將相  
攻

政閻奉先引兵與戰。已而各於石嶺關南北守禦。○賊陷孟州。又陷趙州。攻真定路。復犯上都。右丞忙哥帖木兒引兵與戰。敗績。○冬十月。甘露降于國子監大成殿柏樹上。○以張良弼為湖廣參政。討南陽襄樊。○詔孛羅帖木兒守冀寧。孛羅帖木兒遣保殷興祖高脫因倍道趨冀寧。守者不納。察罕帖木兒遣陳秉直瑣柱等

以兵攻孛羅帖木兒之軍于冀寧。敗之。察罕帖木兒以為用兵數年。惟藉冀寧以給其軍。而致強盛。苟奉旨與之。則彼得以足其兵食。乃託言用師汴梁。尋渡河屯澤潞以拒之。調延安軍交戰於東勝州等處。復遣八不沙以兵拒之。八不沙謂彼軍奉旨而來。我何敢抗王命。察罕帖木兒怒殺之。○十一月。黃河清凡三日。○陽翟王

黃河清

阿魯輝帖木兒擁兵數十萬將犯京畿使來言曰祖宗付汝以天下汝已失其大半若以國璽付我我當自為之帝遣報曰天命有在汝欲為則為之命知樞密院事禿堅帖木兒等將兵擊之不克軍士皆潰禿堅帖木兒走上都○孛羅帖木兒侵汾州察罕帖木兒率兵拒之

**辛丑**二十一年春正月朔赦天下○遣

諭兩將  
各罷兵

使往諭孛羅帖木兒等各罷兵還鎮○三月察罕帖木兒駐兵宿州擒賊將梁綿住孛羅帖木兒引兵據延安張良弼出南山義谷駐藍田受節制於察罕帖木兒○夏四月日食○察罕帖木兒遣其子副詹事擴廓帖木兒貢糧至京師皇太子親與定約遂不復疑○五月明玉珎陷嘉定路李思齊遣兵擊敗之○察罕帖木兒以兵

明玉珎  
陷嘉定



侵李羅帖木兒所守之地○李思齊受李武崔德降○察罕帖木兒總兵討山東下井陘出邯鄲過磁相懷衛踰白馬津水陸並進秋七月平東昌進兵復冠州○八月

大明

**太祖高皇帝**取江州偽漢陳友諒退居武昌○察罕帖木兒遣其子擴廓帖木兒閻思孝等會關保虎林赤等將

田豐王  
士誠降

兵由東河造浮橋以濟賊以二萬餘衆奪之關保等且戰且渡拔長清討東平東平偽丞相田豐遣崔世英等出戰大破之乃遣使招諭田豐豐降東平平令豐為前鋒討棣州俞寶降東平王士誠東昌楊誠悉降魯地悉定進兵濟南劉珪降遂圍益都○命少保老章率諸軍討陽翟王敗其兵其部將擒送闕下誅之

大明兵取建昌及饒州路○十一月黃河自平陸三門磧下至孟津五百餘里皆清凡七日命秘書少監程徐祀之○十二月察罕帖木兒李思齊圍鹿臺攻張良弼詔和解之兵乃解去

**壬寅**

二十二年正月

大明兵取江西諸路時江西諸路皆為陳友諒所據○二月乙酉彗星見於危宿光芒長丈餘色青白三月戊申

明玉珍  
陷雲南

以後不見星形惟有白氣壬子行過太陽前惟有星形無芒在昴宿至戊午凡三十四日始滅○明玉珍陷雲南省治屯金馬山陝西參政車里帖木兒擊敗之獲其弟明二○張良弼受節制於孛羅帖木兒李思齊遣兵攻之至武功良弼伏兵大破之○夏四月丙子朔長星見其形如練長數十丈在虛危之間後四十餘日乃滅

陳友定  
復汀州

○五月。泉州賽甫丁。寇福州路。平章燕只不花擊敗之。餘衆航海還。據泉州。○福建行省參政陳有定復汀州。○明玉珍據成都。自稱蜀王。遣僞將楊尚書守重慶。分兵寇龍州。○察罕帖木兒以兵圍益都。環城列營。治攻具。百道並進。田豐。王士誠。復謀叛。刺殺察罕帖木兒。走入益都城。初。豐之降也。察罕帖木兒推誠待之。不疑。數

田豐復  
叛殺察  
罕帖木  
兒

獨入其帳中。及豐既謀變。乃請察罕帖木兒行觀營壘。衆以為不可往。察罕帖木兒曰。吾推心待人。安得人人而防之。左右請以力士從。不許。乃從輕騎十一人。行至王信營。又至豐營。遂為王士誠所刺。訃聞。帝震悼。朝廷公卿及京師四方之人。莫不哀慟。先是有白氣如索。長五百餘丈。起危宿掃。太微垣。太史奏山東當大水。帝曰。

不然。山東必失一良將。即馳詔戒察罕帖木兒勿輕舉。未至而已。及於難。詔贈推誠定遠宣忠亮節功臣。封忠襄王。謚獻武。令河南山東等處立廟。歲時致祭。賜其父司徒阿都溫良田二百頃。○以擴廓帖木兒為光祿大夫。中書平章政事。兼知河南山東等處行樞密院事。一應軍馬並聽節制。仍詔諭其將士曰。凡爾將佐。父為察

罕帖木兒從事。惟恩與義實同骨肉。視彼逆黨。不共戴天。當力圖報復。以伸大義。擴廓帖木兒既領兵柄。討賊益急。未幾。益都賊兵出戰。擴廓帖木兒生擒六百餘人。斬首八百餘級。○秋。九月。劉福通以兵援田豐。至火星。準。擴廓帖木兒遣關係邀擊。大破之。○冬。十一月。擴廓帖木兒復益都。田豐等伏誅。自擴廓帖木兒既襲父職。

田豐伏誅

身率將士。誓必復讎。人心亦思自奮。圍城益急。賊悉力拒守。乃以壯士穴地。通道而入。遂克之。執其渠魁陳猱頭。二百餘人。獻闕下。取田豐。王士誠之心。以祭父。察罕帖木兒。餘黨皆伏誅。山東平。

明玉珍  
稱帝僭  
號

癸卯二十三年春正月。明玉珍僭稱皇帝。建國號大夏。改元天統。○擴廓帖木兒自益都還河南。留瑣住守益都。

李羅帖  
木兒與  
擴廓帖  
木兒相  
攻

○三月。彗星見東方。經月乃滅。○親試進士六十二人。賜寶寶。楊輓進士及第。餘出身有差。○立廣西行中書省。以廉訪使也兒吉尼為平章政事。時南方郡縣多陷沒。惟也兒吉尼獨保廣西者十五年。○關先生餘黨寇上都。李羅帖木兒擊降之。○六月。李羅帖木兒遣方脫脫迎匡福於彰德。擴廓帖木兒遣兵追之。敗還匡福。遂

據保定路○擴廓帖木兒部將互驢  
等駐兵藍田七盤李思齊攻圍興平。  
遂據藍屋音周李羅帖木兒時奉詔  
進討襄漢。而互驢阻道於前。思齊踵  
襲於後。乃請催督擴廓帖木兒東出  
潼關。道路既通。即便南討。既而李羅  
帖木兒遣竹貞等入陝西。據其省治。  
擴廓帖木兒遣部將豹高與李思齊  
合兵攻之。竹貞出降。○秋八月。擴廓

帖木兒遣兵侵李羅帖木兒之境。李羅  
帖木兒上言擴廓帖木兒踵襲父惡。有  
不臣之罪。乞賜處置。○

大明

太祖皇帝  
克偽漢

太祖高皇帝與偽漢陳友諒大戰于鄱陽  
湖。友諒敗死。其子理自立。仍據武昌。師  
進圍之。○九月。張士誠自稱吳王。來請  
命。不報。遣使徵糧于士誠。士誠不與。○  
冬十月。李羅帖木兒遣兵攻冀寧。至石

詔復脫  
脫宣命

嶺關擴廓帖木兒大破走之。擒其將烏馬兒。殷祖興。○十一月。詔復故中書右丞相脫脫所授宣命。御史臺臣言故丞相脫脫有大臣之體。向在中書政務脩舉。深懼滿盈。自求引退。加封鄭王。固辭不受。再秉鈞軸。克濟艱危。總兵進征。平徐州。收六合。大功垂成。浮言構難。奉詔謝兵。就貶以沒。雖已蒙錄用其子。還所籍田宅。更乞閔其勲舊。還其宣命。從之。

○十二月。御史大夫老的沙與知樞密院事禿堅帖木兒得罪於皇太子。皆奔大同。孛羅帖木兒匿之營中。

甲辰二十四年春二月

太祖高皇帝克武昌。擒偽漢主理。湖南北江西諸郡皆降于

大明。○三月。詔以孛羅帖木兒匿老的沙。謀為悖逆。解其兵權。削其官爵。放歸四川田里。孛羅帖木兒拒命。夏四

李羅帖  
木兒舉  
兵犯關

月命擴廓帖木兒討之。已而李羅帖木兒悉知詔命。非出帝意。皆右丞相搠思監所為。遂令禿堅帖木兒舉兵犯關。入居庸關。知樞密院事也。速詹事不蘭奚迎戰于皇后店。不蘭奚力戰也。速不援而退。不蘭奚幾為所獲。脫身東走。○皇太子率侍衛兵出光熙門。由古北口東趨興松。禿堅帖木兒兵至清河時。都城無備。城中大震。

令百官吏卒分守京城。使達達國師至其軍問故。以必得搠思監。及宦官朴不花為對。詔慰解之。不聽。於是屏搠思監於嶺北。竄朴不花于甘肅。執而與之。○詔復李羅帖木兒官爵。禿堅帖木兒陳兵觀帝于延春閣。慟哭請罪。帝宴賚之。加李羅帖木兒太保。仍守大同。禿堅帖木兒為中書平章政事。夏五月。禿堅帖木兒軍還。○擴廓帖



討李羅  
帖木兒

木兒討李羅帖木兒屯兵冀寧。分為三道。其東道以白鎖柱領兵三萬守京師。中道以貊高竹貞領兵四萬。西道以關保領兵五萬。合擊之。關保等兵逼大同。李羅帖木兒留兵拒守。而自率兵與禿堅帖木兒老的沙復舉兵向關。秋七月。前軍入居庸關。皇太子率諸軍禦于清河也。速軍于昌平。軍士皆無鬪志。不戰而潰。皇太子馳

皇太子  
出城往  
冀寧

還都城。白鎖柱引兵入平則門。扈從皇太子出城。由雄霸河間。取道往冀寧。李羅帖木兒駐兵健德門外。與禿堅帖木兒老的沙入見帝于宣文閣。訴其非罪。皆泣。帝亦泣。李羅帖木兒欲追襲皇太子。老的沙止之。詔以李羅帖木兒為中書左丞相。老的沙為中書平章政事。禿堅帖木兒為御史大夫也。速知樞密院事。

大明兵取廬州路○八月朔日食○詔以孛羅帖木兒為中書右丞相○誅狎臣禿魯帖木兒波迪哇兒禡罷三宮不急造作沙汰宦官減省錢糧禁止西番僧人佛事從孛羅帖木兒之請也○九月

大明兵取中興及歸峽潭衡州等路

**乙巳**二十五年春正月封李思齊為許國公

大明兵取寶慶路守將唐隆道遁走○偽漢守將熊天瑞以贛州及韶州南雄降于

大明受  
偽漢將  
降

大明○二月皇太子在冀寧命甘肅行省平章朶兒只班以岐王阿剌乞兒軍馬會平章藏卜李思齊各以兵守寧夏○三月皇太子下令軍中曰孛羅帖木兒襲據京師余既受命總督天下諸軍恭行顯罰必保中書平章

政事擴廓帖木兒躬勒將士分道進兵。諸王駙馬及陝西平章政事李思齊等各統軍馬。尚其奮義戮力。尅期恢復。○四月。關保等克大同。李羅帖木兒大怒。遣禿堅帖木兒率兵攻上都。附皇太子者。調也速南禦皇太子軍也。速次良鄉。不進。謝之於衆。皆以為李羅帖木兒所為狂悖。中外同憤。遂勒兵歸永平。遣人西連太原。東連

李羅帖木兒伏誅

遼陽。李羅帖木兒患之。遣驍將姚伯顏率兵討之也。速出其不意襲而破之。擒伯顏殺之。○李羅帖木兒伏誅。初。李羅帖木兒嘗以自疑。殺其將保安。至是又失姚伯顏。心鬱鬱不樂。乃日與老的沙等酣飲。荒淫無度。酗酒殺人。喜怒不測。人人惴恐。威順王子和尚受帝密旨。與徐士本謀結勇士上都馬。金那海。伯達兒。陰圖刺之。秋

七月。李羅帖木兒入朝。行至延春閣  
李樹下。伯達兒自衆中躍出。斫李羅  
帖木兒中其腦。上都馬及金那海競  
前斫死。老的沙傷額趨出。得馬走其  
家。擁李羅帖木兒母妻。及其子天保  
奴北遁。遣使函李羅帖木兒首。往冀  
寧。召皇太子還京師。○大赦天下。○  
大明兵破安陸府。又破襄陽路。○湖廣  
左丞周文貴復寶慶。○八月丁未。皇

皇后崩  
性節儉  
不妬忌

后弘吉刺氏崩。后性節儉。不妬忌。動  
以禮法自持。第三皇后竒氏素有寵  
居興聖西宮。帝稀幸東內。左右以為  
言。后無幾微怨望意。常從帝時巡上  
京。次中道。帝遣內官傳旨欲臨幸。后  
辭曰。暮夜非至尊往來之時。內官往  
復再三。竟拒不納。帝益賢之。居坤德  
殿。終日端坐。未嘗妄踰戶闥。崩。年四  
十二。後竒氏見其所遺衣服。大笑曰。

老的沙  
等伏誅

正宮皇后何至服此等衣耶。其樸素如此。踰月。皇太子歸。哭之甚哀。○九月。擴廓帖木兒扈從皇太子還京師。○冬。十月。樞密副使觀音奴擒老的沙。誅之。秃堅帖木兒以餘兵奔八兒思之地。命嶺北行省左丞相山僧追討擒之。伏誅。○閏月。封擴廓帖木兒河南王。代皇太子親征。總制關陝晉冀山東迤南一應軍馬。諸王各愛馬。

愛馬。諸王所統之軍。應該總兵統兵等官。凡軍

民一切機務。錢糧名爵。黜陟予奪。悉聽便宜行事。○十一月

大明兵取秦州。○十二月乙卯。立竒氏為皇后。改竒氏為肅良合氏。仍封竒氏父以上三世皆為王。

**丙午**二十六年春二月。擴廓帖木兒還河南。尋居懷慶。又居彰德。調各處軍馬。陝西張良弼拒命。遂遣關保虎林

廷試進士止此

赤攻張良弼於鹿臺。李思齊脫列伯。孔興等皆與良弼會。○三月。廷試進士七十二人。賜赫德普化。張棟進士及第。餘出身有差。兵興以後。科目取士。莫盛於斯。而元之設科亦止於是矣。○是月以後

大明兵取高郵。淮安。徐州。宿州。濠州。泗州。潁州。安豐路。時諸郡皆張士誠所據。○夏四月。詔立太子妃。瓦只刺孫

地震山裂

答里氏。○六月。汾州介休縣地震。○

紹興山陰縣卧龍山裂。○皇后肅良

合氏生日。百官進箋。皇后諭丞相沙

藍。答里等曰。自世祖以來。正宮皇后

壽日未嘗進箋。近年雖行。不合典故。

却之。○秋七月朔。日食。○徐溝縣地

震。○以李思齊為太尉。○擴廓帖木

兒遣朱珍。盧旺屯兵河中。遣關保。虎

林。赤合兵渡河。會竹貞。商。高。且。約李

擴廓帖木兒攻張良弼

思齊共攻張良弼。良弼遣子弟質于思齊以求援。關保等戰不利。思齊請下詔和解之。○八月。李思齊兵下鹽井。獲川賊余繼隆誅之。○辛丑。有星孛于東北方。○冬。十月。擴廓帖木兒遣其弟脫因帖木兒及貂高完哲等駐兵濟南以控制山東。○十一月。大明兵取湖州杭州紹興嘉興等路。皆張士誠所據地。

天鼓鳴

丁未二十七年春正月乙未。絳州夜聞天鼓鳴。將旦復鳴。其聲如空中戰鬪者。○李思齊張良弼脫列伯自會于含元殿基。推思齊為盟主。同拒擴廓帖木兒。大明兵取松江府。又取沅州路。○夏五月。山東地震。○李思齊遣張良弼部將郭謙等守黃連寨。關保。虎林。赤。商。嵩。竹。貞。引兵拔其寨。郭謙走。會貂高

井中龍  
出

命皇太子  
總兵

等為變。關保、虎林赤夜遁。李思齊解而西。○六月朔日食。晝晦。○皇太子寢殿後新甃井中有龍出。光燄爍人。宮人震懾仆地。○秋七月。李思齊遣許國佐、薛穆、飛會、張良弼、脫列伯兵屯華陰。又遣鄭應祥守陝西。而自還鳳翔。○八月。命皇太子總天下兵馬。詔曰。元良重任。職在撫軍。稽古徵今。卓有成憲。曩者障塞決河。本以拯民。

昏墊。音店豈期妖盜橫造。訛言簧鼓。愚頑塗炭。郡邑殆徧海內。茲逾一紀。故察罕帖木兒仗義興師。獻功敵愾。汛音信掃汴洛。克平青齊。為國捐軀。深可哀悼。其子擴廓帖木兒克繼先志。用成駿功。愛猷識理達臘計安宗社。累請出師。朕以國本至重。詎宜輕出。遂授擴廓帖木兒總戎重寄。畀以王爵。俾代其行。李思齊、張良弼等各懷異。



詔諸將  
各統軍  
進取

見構兵不已。以致盜賊愈熾。深遺朕憂。况全齊密邇輦轂。倘失早計。恐生異圖。詢諸衆謀。僉謂皇太子聰明仁孝。文武兼資。聿遵舊典。爰命以中書令樞密使悉總天下兵馬。諸王駙馬各道總兵將吏一應軍機政務。生殺予奪。事無輕重。如出朕裁。其擴廓帖木兒總領本部軍馬。自潼關以東。肅清江淮。李思齊總統本部軍馬。自鳳

貂高殺  
守禦官

翔以西進取川蜀。以少保禿魯為陝西行省左丞相。總本部及張良弼。孔興。脫列伯各枝軍馬。進取襄樊。王信本部軍馬。固守信地。別聽調遣。詔書到日。汝等悉宜洗心滌慮。同濟時艱。○貂高殺衛輝守禦官余仁輔。彰德守禦官范國英。引軍至清化。聞懷慶有備。遂還彰德。上疏言人臣以尊君為本。以盡忠為心。以愛民為務。今總

兵官擴廓帖木兒歲與官軍讎殺。臣等乃朝廷培養之人。素知忠義。焉能俛首聽命。乞降明詔。別選重臣。以總大兵。臣等敢不從命。○詔以擴廓帖木兒不遵君命。宜黜其兵權。就令高討之。○為皇太子立大撫軍院。秩從一品。知院四員。同知二員。副使同僉各一員。經歷都事各二員。管勾一員。專掌軍機。內外諸王駙馬各處總

立大撫軍院

兵統兵行省行院宣慰司。一應軍情不許隔越徑行。移大撫軍院。○九月。大明兵取平江路。執張士誠以歸。

大明兵取通州。無錫州及台州。時台州温州慶元皆方國珍所據。相次俱降。大明○冬十月。貊高以兵入山西。定孟州忻州下。灤州攻真定。○詔也速自河間會貊高取真定。不克。命也速還河間。貊高還彰德。○十一月。

大明兵取沂州。守臣王信遁。

大明兵取嶧州。又取益都路。平章保保降。宣慰使普顏不花總管胡濬。知院張俊皆死之。初普顏不花為江西行省郎中。值蘄黃賊徐壽輝來寇。普顏不花戰守之功為多。後為中書參知政事。詔與治書侍御史李國鳳同經略江南。至建寧。值江西陳友諒遣鄧克明來寇。平章阿魯溫沙等皆宵遁。

大明兵  
取益都

國鳳時分鎮延平。城陷亦遁。普顏不花曰。我承制來此。去將何之。誓與此城同存亡耳。命築各門甕城。前後拒戰六十四日。賊敗去。明年召還。授山東宣慰使。守禦益都。至是

大明兵壓境。普顏不花捍城力戰。城陷而保。保出降。普顏不花還告其母曰。兒不能兩全忠孝。幸有二弟。當為終養。拜母而別。趨官舍坐堂上。主將素

元普顏  
不花死  
之

聞其賢召之再三。不往。既而面縛之。普顏不花曰。我元朝進士。官至極品。事已至此。何以生為。竟不屈而死。其妻阿魯真亦抱其子投舍北井。其女及妾皆隨溺焉。○十二月朔日食。○大明兵取般陽濟寧萊州及東平路。○大明兵入杉關取邵武路。時建寧邵武延平福州興化泉漳汀潮諸路皆陳有定所據。○

大明兵由海道取福州。守臣曲出遁。行宣政院事。朶耳死之。○方國珍自歸于

大明。○詔分潼關以西屬李思齊。以東屬擴廓帖木兒。各罷兵還鎮。於是關保退屯潞州。商暉留屯潼關。

**戊申**春正月庚寅彗星見于昴畢之間。大明兵取建寧路。○

大明兵取延平路。執陳有定。○二月朔。

經金卷三  
詔削擴廓帖木兒爵邑。命禿魯李思齊討之。

大明兵取東昌路。守將申榮王輔元死之。擴廓帖木兒自澤州退守晉寧。關保守澤潞二州。與貊高軍合。

大明兵取寶慶路。

大明兵取汀州。

大明兵取棣州。師至河南。李思齊張良弼解兵西還。○興化。泉州。漳州。潮州。

皆降于

大明。○三月庚寅。有星孛于西北。○

大明兵取河南。李思齊張良弼會兵駐潼關。火焚良弼營。思齊移軍葫蘆灘。調其所部張德歛穆薛飛守潼關。○大明兵入潼關。攻李思齊營。思齊棄輜重奔鳳翔。

大明兵取永州路。又取惠州路。○夏。四月。

大明兵取英德州。

大明兵取廣州路。又取嵩陝汝等州。

大明取  
廣州路

五月。李克彛棄河南城奔陝西。推李

思齊為總兵。思齊部將忽林赤脫脫。

張意據盩厔。陟音周商暉據武功。李克

彛據岐山。任從政據隴州。

大明兵取道州。全州。郴州。梧州。藤州。潯

州。貴州。象州。鬱林等郡。○六月。臨州

保德州地震。五日不止。○廣西諸郡

皆歸于

大明。○秋。七月癸酉。京城紅氣滿空。如

火照人。自旦至辰方息。○乙亥。京城

黑氣起。百步內不見人。從寅至巳方

消。○貊高關保以兵攻晉寧。擴廓帖

木兒與戰大敗之。擒關保。貊高遣其

斷事官以聞。詔以二人間諜。構兵可

依軍法處治。遂誅之。○海北海南諸

郡縣。及左右兩江諸路皆降于

燕京紅  
黑氣起

大明師  
渡河

大明○詔擴廓帖木兒令帥師勤王

**太祖高皇帝**自中灤渡河三日而取衛

五日而取相州七日而平彰德及廣

平八日而取順德勢如破竹無一守

臣不降附者○擴廓帖木兒自晉寧

退守冀寧○閏月二十七日乙丑

**太祖高皇帝**兵至通州知樞密事卜顏

帖木兒力戰死之帝得報大懼御清

寧殿集三宮后妃皇太子皇太子妃

元帝避  
兵北去

同議避兵北行左丞相失烈門知樞

密院事黑廝宦者趙伯顏不花等諫

不聽即命淮王帖木兒不花丞相慶

童留守燕京伯顏不花慟哭曰天下

者世祖之天下也陛下當以死守柰

何棄之臣等謹率軍民及諸怯薛反

出城拒戰願陛下固守京城卒不聽

夜半開健德門出居庸關北去如上

都○八月二日庚午

大明

大明師  
入燕京

**太祖高皇帝**大兵至燕京齊仁門明日  
攻城克之。淮王帖木兒不花丞相慶  
童左丞丁敬可大都路總管郭允中  
皆死之。

**太祖高皇帝**大兵入京城**元**國亡時擴  
廓帖木兒兵數十萬駐太原會

大明兵自皖子城破澤潞擴廓帖木兒  
令部將賀宗哲援晉寧駐龍銷谷去

太原七十里及

大明兵克永平也。速軍潰於是檀順會  
利宜興以次悉歸附于

大明○後一年**元**帝駐應昌府在應昌府

元帝殂

東北三百里。初世祖之時。幹萬  
戶尚帝女。授封答兒只子之地。請  
於世祖。始建城邑。賜名應昌府。又  
一年四月丙戌

**元**帝殂于應昌壽五十二。太尉完  
者院使觀音奴奉梓宮北葬○五月  
三日。



大明師北進。九月。至開平縣白海子駱駝山。太尉蠻子沙不丁。平章朵兒只八刺等拒戰。敗潰。軍士輜重馬匹。所喪殆盡。上都恃紅羅山為藩籬。紅羅山恃上都為援。十二日。

大明兵拔紅羅山。至上都。平章上都罕。左丞蓋元魯。留守八失忽都。余萬戶等率衆歸附。十五日昧爽。

大明兵襲應昌府。皇孫買的里八刺。及后妃寶玉皆被獲。王子黑的罕。國公答失帖木兒。平章阿里馬溫海牙。皆就擒。皇太子愛猷識里達臘。從數十騎遁去。

大明兵平懷慶。鞏昌。平涼。臨洮等府。於是天下海宇。悉歸于

大明。而大一統萬萬世矣。

**太祖高皇帝**以元帝知順天命。退避而去。特謚曰順帝。而封買的里八刺為

崇禮侯**元**起太祖丙寅。至順帝丁未。凡百六十二年。自**世祖**至元十六年。己卯滅宋混一。至**順帝**至正丁未。繼大統實計八十九年。

右起**唐**堯帝甲辰。至**元**順帝丁未。通計三千七百二十四年。

**古**岡黎氏貞曰**元**太祖深沈大略。用兵如神。故能滅國四十。遂平西夏。定西域。太宗有寬弘之量。信任

元太祖  
用兵如  
神

賢臣。量時度宜。庶民樂業。時稱治平。約宋滅金。國勢愈昌。定宗以母后稱制。加之連年大旱。人不聊生。憲宗雄毅寡言。不好宴侈。屢立大功。至**世祖**仁明英武。故能混一區宇。坐致太平。求賢納諫。知人善任。文臣如許衡、姚樞、劉秉忠、史天澤、王鶚、李道復等。謀謨廟堂。武將如伯顏、阿里海涯、張弘範、李恒、董

世祖混  
一區字

文炳等攻城略地。大闡嘉猷。制禮作樂。民物阜康。夷狄之盛。古未有也。**成宗**垂拱而治。善於守成。**武宗**封爵太盛。至元大德之政。稍有變更。**仁宗**聰明恭儉。通達儒術。愛養民力。孜孜為治。一遵世祖成憲。為元盛德守文之主矣。**英宗**用法無私。果於誅戮。姦黨畏罪。遂為所弒。**泰定**以支庶入繼。災異數見。君臣

之間。未見其引咎責躬之實。然能知守祖宗之法以行。天下無事。號稱治平。茲其足稱。**明宗**迎立朔漠。**文宗**攝位改元。行幄暴崩。文宗難逃弒逆。詔除廟主。豈不宜哉。**寧宗**幼冲。月餘而斃。至于**順帝**性柔少斷。姦臣伯顏哈麻相繼弄權。朝政日紊。至元三年。廣州賊朱光卿自稱大金國。自後群盜蜂起。稱彌勒佛

順帝朝  
政日紊  
天下大  
亂

治世迭興迭滅。至正十一年。妖人  
劉福通。徐壽輝等。又以白蓮會燒  
香聚衆。紅巾為號。天下大亂。時韓  
林兒據中原。陳友諒據湖廣。方國  
珍據浙東。張士誠據浙西。明玉珍  
據四川。陳有定據福建。何真據廣  
東。劉益據遼陽。毛貴。田豐等據山  
東。朝廷命將如擴廓帖木兒。李羅  
帖木兒。李思齊。張良弼等。自為仇

敵。連年攻擊。帝復不悟。迎西番僧  
行運氣之術。教宮女作天魔之舞。  
不恤政事。荒於淫樂。致羣雄割據。  
稱帝稱王。垂二十年。曆數屬於

**大明** 四海九州。復歸一統。於戲盛哉。

資治通鑑卷之三十

卷之三十

資治通鑑節要續編卷之三十



